

Hätz us Stein

Text & Musik: M. Mies

Vers 1:

Du luurs mer in de Auge
Un säähs ich han dich jään
Doch dinge Bleck verröt su vill
Du bis mir noh un doch janz fähn

Dat mit ihr da is noch janit
Noch janit su lang her
doch ich hätt dich jän allein für mich
un merke dat weed schwer

Dä Stich in mingem Buch
Wenn du nur vun ihr sprichs
Dat Leuchte dinger Auge
All dat is nix für mich

Ref:

**Drüm weed ich jonn
Denn die Hätz is nit bei mir
Du häss et nieh jesaht, doch föhl ich
Du hängt immer noch ahn ihr**

**Jo ich weiss du häss et esch versöök
häss selver dran jejlöuv
Doch ich wede jonn un bliev allein
Denn ich han kei Hätz us Stein**

Vers 2:

Ich glöuve du merks janit
Wie wieh mir dat jetzt deiht
ich bin nit nur die Nummer zwei
Ich will ne Mann der zo mir steiht

doch wie dat su em Lieve is
Liebe mäht bekanntlich blind
Ich wuss et doch vun Anfang ahn
Wer he am Engk jewinnt

Och wenn du dich dojäjen wehrs
Wat jeiht vür in dingem Kopp
Und worüm jeiht dat Schloss für mich
Zu dingem Häzt nit op

Ref.: